

Öise Lade 7-2013, p. 62

In salid *rumantsch*

Las emprimas trais chaussas che ma vegnan endament en connex cun il pled stad? Glatsch da vaniglia, glatsch da tschigulatta e glatsch da frajas. Gea ok, quai na constat forsa betg dal tut. Tuttina è il glatsch l'accessori da stad che na dastga mancar en nagina schelentera. Glatsch da vaniglia è la basa per blers desserts da siemi. Far luar in pau tschigulatta, la derscher sur las cullas da glatsch giu e ... simplamain giudair. U, mes favorit, svidar in espresso en in magiel emplenì cun ina culla da vaniglia. Per in mument è emblidà il chau s'encotschnì da la chalur da stad.



**Glatsch
per chaus
cotschens**

Dapi l'ultima stad hai jau però ina nova metoda co giudair il café da mesa stad. Empè da derscher il café sur il glatsch, dersch jau il café en la furma per far quadrins da glatsch e la met en il caum da schelentar. Il café dastga esser pulit concentrà, damai che quel vegn alura mess en furma da glatsch en in magiel cun latg froid. Ussa lieua il café plaunsieu ed il resultat è in'exquissita bavronda rinfrestganta che vesa ultra da quai er anc ora fitg bain. Ma betg mo café schelentà fa bain a corp ed olma, era quadrins da suc da citrona èn ina grondiusa invenziun. Aua da spina cun insaquants da quests glatschs dosta la said ed è ina buna alternativa ad auas dultschas cun ina massa zutger. A tuts ina bella stad e chaus betg memia cotschens!

Marina Wyss

Marina Wyss